

Satu permulaan yang baru !

Cepat sungguh masa berlalu. Sebulan berpuasa macam tak rasa apa-apa. Pejam celik pejam celik dah pun masuk hari raya yang ke 5.

Ramai yang masih lagi bercuti. Tapi masa-masa begini majoritinya sudah memulakan perjalanan untuk kembali ke destinasi masing-masing dan memulakan rutin kehidupan seperti biasa.

Terubat sudah kerinduan sanak-saudara dan ibu bapa di kampung. Ramai yang pulang berhari raya untuk bertemu kaum keluarga dan rakan-rakan zaman persekolahan.

Di kala inilah pelbagai cerita di keluarkan mengenangkan kehidupan semasa di sekolah. Ini lah masanya nak buat reunion, perjumpaan sana-sini dan rumah terbuka di merata tempat. Makan, minum, sembang-sembang bagi mengeratkan tali silaturahmi di antara satu sama lain.

Setiap tahun beginilah yang akan di alami oleh ramai daripada kita. Kini ramadan pergi sekali lagi, tahun depan InsyaAllah bisa ke temu di ramadan yang akan datang.

Datang dan pergi silih berganti perkara biasa. September ini aku juga ingin memulakan satu perjalanan baru. Satu cabaran yang baru.

Selamat datang September 2011.